

Cadena straño pa construccin Oficinanan di Impuesto y Finanza

Pension di ambtenaarnan por ta den edificio!

*Fundacion nobo ta braza Fondo di Pension Ambtenaarnan

*Aruba Investment Bank ta parti di fundacion tambe

ORANJESTAD (AAN) - Stichting Onroerend Goed Aruba, situa na Madurostraat 36, a worde funda dia 11 di Juli 2005. Esnan cu no conoce e compania, por mira e nomber riba e borch caminda Gobierno ta construi e edificio nobo di Impuesto y Finanzas, den vecindario di John F. Kennedy School. No ta nada straño di un fundacion di Gobierno ta construi su edificionan. E ta bira straño, ora descubri un cadena entre e fundacion, Aruba Investment Bank y e Fondo di Pension di Ambtenaarnan, cu oficialmente tin como nomber Stichting Algemeen Pensioenfonds Aruba. Ta normal cu un fondo di pension ta inverti, pero generalmente e no ta inverti den macutonan sin bom manera e caha di Gobierno.

E oficinanan di Impuesto y Finanzas ta worde construi ariba orden di Stichting Onroerend Goed Aruba. E fundacion aki por realiza tur labor ariba tereno di construccin di edificionan, pero tambe por forma parti of representa companianan cu tin e objetivonan aki. E situacion ta bira interesante ora bay studia e infor-

menan entorno di e fundacion, cu a mira luz na 11 di juli 2005 mientras cu e Fondo di Pension di Aruba a mira luz como fundacion dia 29 di april 2005, pues aña di eleccion.

Ora bay tira un vista den e estructura di organizacion legal di Stichting Onroerend Goed Aruba, ta topa cu e hecho cu ningun di esnan cu ta worde menciona legalmente como su representanten tin un posicion den e fundacion aparentemente. Si ta un hecho cu Señora Migdid Croes-de Jongh ta na cabez.

Den Gerencia di e fundacion ta topa cu Aruba Investment Bank tambe mescos cu e nomber fi Friendsel Giel.

Siguiendo e pista, DIARIO a bay analisa Aruba

Investment Bank, cu na 2004 a mira cambianan haci den su composicion legal. Na Aruba Investment Bank ta topa cu nomber di Señora Migdid Croes como Supervisor Director

Commissioner entre otro. Señora Croes ta den e banco for di 2000, loke ta haci supone cu ta pa medio di e funcion aki, e ta den e Stichting Onroerend Goed Aruba tambe.

Na 2006, den Investment Bank ta surgi un cantidad di nomber nobo. Entre otro dia 28 di april 2006, Giel ta aparece como President Management Board y Herry Koolman como Vice Presidente di Aruba Investment Bank.

Asina ta yega na Stichting Algemeen Pensioenfonds

Aruba. Na paisnan di Reino, e Algemeen Pensioenfonds ta e fondo for di cual ta paga pension di empleadonan di Gobierno y hopi bez gubernantenan ta haci prestamonan na e fondo aki. Na Aruba, e fondo a bira un fundacion, situa na Seroe Blanco 4. Como General Managing Director ta aparece Migdid Croes-de Jongh, e mes persona pues di AIB y e fundacion pa cumpra edificio.

Pa DIARIO un motibo pa investigacion a presenta, pasobra ta conoci cu placa di pension di ambtenaarnan sa worde usa door di gobiernon pa desaroyo di planan.

Den e caso aki e hecho cu nombrenan ta coincide cu otro, ta duna motibo pa bay

averigua e asunto. Pakico e banco di inversion di Aruba tabata tin mester di un fundacion pa realiza cierto proyecto?

Cu poco bez ta scucha di e fondo di pension di ambtenaarnan, mescos cu otro fondonan cu ta keda den silencio, ta un hecho. Pero awor lo mester bini claridad di unda e capital pa a construi e edificionan menciona a bini y pakico a opta pa usa e fundacion Stichting Onroerend Goed, cu sin duda por bira un instrumento legal den transaccionnan pa e banco di inversion como esun cu ta duna orden pa e proyecto.

Mientras Gobierno no ta duna apertura na preguntan importante di Pueblo, DIARIO ta conduciendo investigacionnan pasobra ta hopi caso ta worde poni na atencion di DIARIO. Si ta casualidad tin den e caso aki, e lo mester worde descubri den e investigacion cu a cuminsa.

**TELEFONNAN
DI DIARIO
582-6747
FAX
582-8551**

AIRBAG XPI!!



**BEST
DEAL**

Tel: 5827100

(Páriba di Aruba Bank, Paradera)

SPAARPOT

hopi modelo

